

Broj: UP1-06-13-1-34-02/20
Mostar, 23.07.2020. godine

Na osnovu člana 11., člana 17., člana 19. i člana 21. Zakona o naftnim derivatima u Federaciji Bosne i Hercegovine („Službene novine Federacije BiH“ broj 52/14), člana 20. stav (1) i člana 23. stav (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15), člana 8. stav (1), člana 32. stav (4) i člana 42. stav (1) Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14, 31/16 i 84/19), člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12, 71/14 i 31/16), člana 10. stav (2), člana 17. i člana 37. stav (2) Pravilnika o izdavanju dozvola za rad (licenci) za obavljanje energetske djelatnosti iz sektora naftne privredne („Službene novine Federacije BiH“ broj 15/16), člana 10., člana 11. i člana 12. Pravilnika o metodologiji i načinu obračuna regulatornih naknada za imaoce dozvola - Prečišćeni tekst („Službene novine Federacije BiH“ broj 94/19), postupajući po Zahtjevu za izmjenu i dopunu dozvole za rad (licence) broj UP1-06-13-1-34/20 od 13.05.2020. godine podnosioca zahtjeva DELTA PETROL d.o.o. Kakanj, Ul. Alije Izetbegovića broj 149, Kakanj, zastupanog po zakonskom zastupniku Bakiru Spahiću, u postupku izmjene i dopune Dozvole za rad (licence) za transport naftnih derivata drumskim saobraćajem broj 06-03-1099/174/16, Regulatorna komisija za energiju u Federaciji Bosne i Hercegovine – FERK je 23.07.2020. godine na XII redovnoj sjednici donijela sljedeće

RJEŠENJE

1. Dozvola za rad (licenca) za transport naftnih derivata drumskim saobraćajem broj 06-03-1099/174/16 izdata Rješenjem broj 06-03-1099-03/174/16 od 16.12.2016. godine, te izmijenjena i dopunjena Rješenjem broj 06-03-504-01/27/17 od 19.05.2017. godine, Rješenjem broj 06-03-914-02/64/17 od 14.12.2017. godine i Rješenjem broj 06-03-600-04/40/18 od 17.07.2018. godine imaoce dozvole DELTA PETROL d.o.o. Kakanj mijenja se i dopunjuje, te glasi kao u prilogu koji je sastavni dio ovog rješenja.
2. Dozvola za rad (licenca) važi do 15.12.2021. godine, sa uslovima dozvole koji čine njen sastavni dio.
3. Sastavni dio ovog rješenja čini dozvola za rad (licenca) iz tačaka 1. i 2. ovog rješenja.
4. Imalac dozvole je obavezan platiti regulatornu naknadu za 2021. godinu u iznosu od 956,16 KM.
5. Imalac dozvole je obavezan regulatornu naknadu iz tačke 4. ovog rješenja platiti do 31.01.2021. godine.
6. Ovo rješenje je konačno, te se objavljuje na oglasnoj tabli i internet stranici FERK-a, a dispozitiv ovog rješenja u „Službenim novinama Federacije BiH“.

Obrazloženje

Dana 13.05.2020. godine FERK je pod brojem UP1-06-13-1-34/20 od podnosioca DELTA PETROL d.o.o. Kakanj primio Zahtjev za izmjenu i dopunu dozvole za rad (licence) u postupku izmjene i dopune Dozvole za rad (licence) za transport naftnih derivata drumskim saobraćajem broj 06-03-1099/174/16, radi promjene adrese sjedišta društva. Dopuna istog

zahtjeva je primljena u FERK 22.06.2020. godine pod brojem UP1-06-13-1-34-01/20. Prilikom pregleda potpunosti podnesenog Zahtjeva za izmjenu i dopunu dozvole za rad (licence) u postupku izmjene i dopune Dozvole za rad (licence) za transport naftnih derivata drumskim saobraćajem broj 06-03-1099/174/16, u skladu sa članom 9. Pravilnika o javnim raspravama i rješavanju zahtjeva, sporova i žalbi, FERK je utvrdio da je podneseni zahtjev potpun u smislu člana 12. Pravilnika o izdavanju dozvola za rad (licenci) za obavljanje energetske djelatnosti iz sektora naftne privredne. Obzirom na to da su uz Zahtjev za izmjenu i dopunu dozvole za rad (licence) navedene činjenice i podneseni dokazi na osnovu kojih se može utvrditi stanje stvari, a na osnovu kojih je jasno da podnosilac zahtjeva ispunjava kriterije iz člana 21. Zakona o naftnim derivatima u Federaciji Bosne i Hercegovine odnosno iz člana 25. Pravilnika o izdavanju dozvola za rad (licenci) za obavljanje energetske djelatnosti iz sektora naftne privredne, FERK je utvrdio kako su ispunjeni uslovi za primjenu odredbe člana 37. stav (2) Pravilnika o izdavanju dozvola za rad (licenci) za obavljanje energetske djelatnosti iz sektora naftne privredne.

Dalje, članom 10. Pravilnika o metodologiji i načinu obračuna regulatornih naknada za imaoce dozvola propisana je dinamika obračuna regulatorne naknade za imaoce dozvola iz sektora naftne privredne, dok je članom 11. istog pravilnika regulatorna naknada za imaoce dozvole za rad (licence) za transport naftnih derivata drumskim saobraćajem propisana u fiksnom iznosu na godišnjem nivou od 1.000,00 KM, s tim da se taj fiksni iznos u prvoj i zadnjoj godini važenja dozvole preračunava u skladu sa periodom važenja dozvole u toj godini. Članom 12. ovog pravilnika propisano je da će FERK o obavezi iz člana 11. Pravilnika svakom imaoцу dozvole iz sektora naftne privredne izdati pojedinačno rješenje.

Na osnovu obrade Zahtjeva za izmjenu i dopunu dozvole za rad (licence) broj UP1-06-13-1-34/20 od 13.05.2020. godine podnosioca DELTA PETROL d.o.o. Kakanj i dokumentacije priložene uz zahtjev, izvršena je izmjena i dopuna Dozvole za rad (licence) za transport naftnih derivata drumskim saobraćajem broj 06-03-1099/174/16, radi promjene adrese sjedišta društva. Predmetna dozvola za rad (licenca) je izmijenjena i dopunjena u skladu sa zahtjevu podnosioca, te odredbama naprijed navedenih Zakona o naftnim derivatima u Federaciji Bosne i Hercegovine i Pravilnika o izdavanju dozvola za rad (licenca) za obavljanje energetske djelatnosti iz sektora naftne privredne, s tim da je period važenja dozvole za rad (licence) ostao nepromijenjen. Postavljeni uslovi uvažavaju potrebu, ali i obavezu DELTA PETROL d.o.o. Kakanj da u rokovima propisanim u uslovima dozvole za rad (licence) za transport naftnih derivata drumskim saobraćajem iste ispuni, u cilju zadovoljavanja propisanih kriterija.

Na osnovu navedenog, odlučeno je kao u dispozitivu ovog rješenja.

POUKA O PRAVNOM LIJEKU:

Protiv ovog rješenja podnosilac zahtjeva može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana prijema rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

PREDSJEDNIK FERK-a
Mile Srdanović

Dostaviti:

- DELTA PETROL d.o.o. Kakanj (poštom preporučeno uz dostavnicu)
- Federalnom ministarstvu energije, rudarstva i industrije (poštom preporučeno uz dostavnicu)
- Sektoru za tehničke poslove i licence